



ნამცეცა



ილუსტრატორი
ელენა სელივანოვა



დამეხმარეთ!



ერთ ქალს ძალიან უნდოდა,
შვილი ჰყოლოდა. მან
გრძნეულს სთხოვა დახმარება.
გრძნეულმა ქალს თესლი მისცა და
დაარიგა:
– ქოთანში დათესე და დაელოდე.

ქოთნიდან მშვენიერი
ყვავილი ამოვიდა,
რომელშიც ციციქნა
გოგო იჯდა. ქალმა
გოგონას ნამცეცა დაარქვა და
ფანჯარასთან დააბინავა. ნამცეცა
მთელ დღეს მღეროდა და თამაშობდა.




ერთ ღამეს ფანჯარაზე გომბეშო
ამოხტა და მძინარე ნამცეცა მოიტაცა.

ნამცეცამ ღუმფარას ფოთოლზე
გაიღვიძა.

– სად ვარ? – იკითხა ტირილით.

– მდინარეში. ეს ჩემი ვაჟია და შენ მისი
ცოლი გახდები, – დაიყიყინა გომბეშომ.




ეს ჩემი ვაჟია.

ნამცეცამ თევზებს სთხოვა
დახმარება.

თევზებს შეეცოდათ ციციქნა
გოგო და ღუმფარას ფოთოლს
ღერო გადაუჭრეს.

ფოთოლი დინებას გაჰყვა.



რატომ ტირი?

ნაპირზე გადასულ ნამცეცას ხოჭოები
შემოხვდნენ.

– აი, ასეთი ცოლი მინდა! – შესძახა
ერთმა ხოჭომ.

– ჰა-ჰა! რა უშნოა! მხოლოდ ორი ფეხი
აქვს! – დასცინა ხოჭოს მუხლუხმა.

– ჰო, მაშინ არ მინდა! – თქვა ხოჭომ
და გაფრინდა.



ჰა-ჰა! რა უშნოა!

ნამცეცამ გზა განაგრძო და ახლა
ჩიტები გაიცნო.



მან მთელი ზაფხული
მინდოროში, ჩიტებთან ერთად
გაატარა.